



Broj: 02.8- 300 /19
Sarajevo, 28.01.2018. godine

Na osnovu člana 100. stav (1) i (3) Zakona o javnim nabavkama Bosne i Hercegovine, („Službeni glasnik BiH“, broj 39/14) ugovorni organ, Javna ustanova Psihijatrijska bolnica Kantona Sarajevo, razmatrajući po žalbi ponuđača Urbis Centar d.o.o. Banja Luka, na Odluku o izboru najpovoljnijeg ponuđača u otvorenom postupku javne nabavke Izrada izvedbenog (glavnog) projekta za izgradnju objekta forenzičke psihijatrije pri Javnoj ustanovi Psihijatrijska bolnica Kantona Sarajevo broj: 02.8-115/19 od 14.01.2019. godine, dana 28.01.2019. godine donosi sljedeće:

R J E Š E N J E

1. Žalba ponuđača Urbis Centar d.o.o. Banja Luka, na Odluku o izboru najpovoljnijeg ponuđača u otvorenom postupku javne nabavke Izrada izvedbenog (glavnog) projekta za izgradnju objekta forenzičke psihijatrije pri Javnoj ustanovi Psihijatrijska bolnica Kantona Sarajevo broj: 02.8-115/19 od 14.01.2019. godine, **usvaja se kao osnovana.**
2. Poništava se Odluka o izboru najpovoljnijeg ponuđača u otvorenom postupku javne nabavke Izrada izvedbenog (glavnog) projekta za izgradnju objekta forenzičke psihijatrije pri Javnoj ustanovi Psihijatrijska bolnica Kantona Sarajevo broj: 02.8-115/19 od 14.01.2019. godine.
3. Ugovor za javnu nabavku Izrada izvedbenog (glavnog) projekta za izgradnju objekta forenzičke psihijatrije pri Javnoj ustanovi Psihijatrijska bolnica Kantona Sarajevo, dodjeljuje se ponuđaču **Ecoplan d.o.o.** Mostar, ponuda broj: II-548/18, protokolisana pod brojem 06.2-2988/18 od 15.10.2018. godine, za ponudenu cijenu od 111.600,00 KM, bez PDV-a, kao ponuđaču sa jedinom potpunom i prihvatljivom ponudom.
4. Prijedlog ugovora o nabavci dostavit će se na potpis izabranom ponuđaču Ecoplan d.o.o. Mostar po isteku roka od 15 dana, računajući od dana kada su svi ponuđači obaviješteni o ovom Rješenju.
5. Ovo Rješenje objavit će se na web-stranici www.jagomir.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.
6. Ovo Rješenje stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Dana 25.01.2019. godine ugovorni organ Javna ustanova Psihijatrijska bolnica Kantona Sarajevo, zaprimio je žalbu od strane ponuđača Urbis Centar d.o.o. Banja Luka na Odluku o izboru najpovoljnijeg ponuđača u otvorenom postupku javne nabavke Izrada izvedbenog (glavnog) projekta za izgradnju objekta forenzičke psihijatrije pri Javnoj ustanovi Psihijatrijska bolnica Kantona Sarajevo broj: 02.8-115/19 od 14.01.2019. godine.



Navedenu žalbu žalilac podnosi radi pogrešno i nepotpuno utvrđenog činjeničnog stanja i povrede odredaba Zakona o javnim nabavkama ističući da ugovorni organ nije sačekao zakonski rok za dostavu traženog pojašnjenja, te je spornu Odluku donio prije isteka istog. Žalilac također ističe da se ugovorni organ nije očitovao da li prihvata pojašnjenje vezano za iskustvo na projektovanju kompleksnih građevina neto površine zatvorenog prostora minimalno 5.000m².

Nakon uvida u primljenu žalbu, ugovorni organ je istu prihvatio smatrajući da navedena odluka nije trebala biti donesena prije isteka predviđenog zakonskog roka, ističući da je do navedenog propusta došlo iz razloga što je u Rješenju Ureda za razmatranje žalbi broj: JN2-03-07-1-1582-9/18 od 27.12.2018. utvrđeno da u ponudi ponuđača Urbis Centar d.o.o. Banja Luka nedostaje potvrda NLB banke, pa bi u skladu sa navedenim Rješenjem ponuda žalioaca svakako bila odbijena kao nepotpuna.

Ponovnim uvidom u cjelokupnu pristiglu dokumentaciju, ugovorni organ je utvrdio da su pojašnjenja ponuđača Ecoplan d.o.o. Mostar i Urbis Centar d.o.o. Banja Luka prihvatljiva.

Slijedeći upute Ureda za razmatranje žalbi koje su date u Rješenju broj: JN2-03-07-1-1582-9/18 od 27.12.2018., te pozivajući se na odredbu člana 100. stav (3) Zakona o javnim nabavkama kojom je predviđeno da ugovorni organ može svojim rješenjem ispraviti radnju, ugovorni organ rješava na način da istekom propisanog zakonskog roka ugovor dodjeljuje ponuđaču Ecoplan d.o.o. kao ponuđaču sa jedinom potpunom i prihvatljivom ponudom.

Žalilac u žalbi također napominje da će pokrenuti upravni spor putem tužbe Sudu BiH protiv Rješenja Ureda za razmatranje žalbi, u vezi s čim ugovorni organ ističe da je njegova obaveza da nastavi sa započetim postupkom, te da o odgađanju rješenja Ureda za razmatranje žalbi odlučuje sam Sud BiH u skladu sa članom 115. Zakona o javnim nabavkama.

Iz naprijed navedenih razloga, doneseno je Rješenje kao u dispozitivu.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema iste.



DIREKTOR

Ahmić dr Muhamed
spec. neuropsihijatar

Dostaviti:

- Ponuđaču: Institut za građevinarstvo "IG" Banja Luka
- Ponuđaču: Urbis Centar d.o.o. Banja Luka



**Psihijatrijska bolnica
Kantona Sarajevo**



**akaz
akreditacija**

- Ponuđaču: Ecoplan d.o.o. Mostar
- Ponuđaču: Energoinvest d.d Sarajevo
- Ponuđaču: Itastill d.o.o.